

後村先生大全集

928
7
28





後村先生大全集卷之一百十二

字說雜記附

二趙

宗諸王孫崇柔弱冠奮儒科崇東繼踵拔胄舉伯仲  
競爽辟聯珠映見者欽挹二子以乃翁之余厚也求  
敬其名易曰雲從龍說者曰龍乘雲氣窮乎玄間又  
曰龍不得雲無以神其靈有逢時感會之象焉字伯  
曰雲卿書曰宅陽谷寅賓出日注者曰陽谷東表之  
地也又曰陽明也有進德輝光之義焉字仲曰陽卿

陳倩玉女

陳倩球求字於余余謝曰君家有嚴君余安能僭君請不置而其乃翁亦竟未暇為余不復辭按韵書球玉之美色者漢中郎以名其女晉太傅以名其子文姬遭亂失身於吳反累伯階惟謝家郎君功節高全不忝文靖然則非褒飾其名之難而負荷其名之難也君軋道丞相魏公之曾孫恂恂謙謹無貴公子氣庶幾實副其名者抑余有規焉今夫有璞於此必日夜攻治尺寸圭黍皆合制度然後為琮璧為圭瓚奉之郊廟苟為切磋未至巾襲不嚴不幸而有秋毫之玷則縹籍裸薦之望絕矣記曰玉不琢不成器先賢

曰貧賤憂戚王女於成請字曰王女

周士姪

工部弟名其次子曰興甫而末字也余字之曰周士興甫請其義余曰士莫盛於周尤莫盛於文王書曰灼俊知之也詩曰譽髦賢之也何代無士而文王獨知之又賢之士生斯時不獨芻蕘之微知所奮興雖太公伯夷之流莫不聞風而至故當時歌之曰凡周之士不顯亦世後世稱之曰周之士貴可謂盛矣然孟子猶謂待文王而興者為凡民無文王而興者為豪傑然則詩書所謂俊髦者皆孟子所謂凡民歟太

公伯夷猶不足以爲豪傑然欤曰孟子之前言爲上之作人造士者設也其後言爲士之立身行己者設也周士其孰復孟氏之言而深思二父所以名汝字汝之意勉之哉

趙倅達叔

清漳通守趙倅與澣以檄來莆余老退爲農倅方有公事僅一再盍簪察倅之意若將有所屬者臨別始語余曰某受名於先君而以達叔爲字義取石達所以事萬石君者某佩服而行不敢失墜昔人有既名字其子而又爲之說者先君遠矣敬以字說累君按

班書建爲中郎將每休沐取萬石君中帚廁踰躬澣灑之注者曰近身之衣也時建已白首矣世稱建純孝而已以傳攷之其奏事上前即有可言屏人切諫至廷見如不能言其事君之際又如此惜其不居大位也倅於親在事之竭力親歿慕之終身語及父兄弟下歎歔所謂家法孝謹不言而躬行者歟願其立朝袞補久使之進而移忠於君所謂入則切諫出則如不能言者歟昔陸放翁絕筆宗子書云但知勤孝謹事事鑒恬侯恬侯者建弟慶也仕至丞相醇謹而已言議風昔似不逮兄烏乎陸公欲其子爲慶修

靖公乃欲其子為建其家法又嚴於陸公矣建叔勉之

達卿姪字說

達卿姪初名桂字千里有聲場屋主司具眼者常摸索得之人謂必唾手取世科還家種矣年甫強仕忽厭舉子業買山築室於壽溪之上以栽花移竹行吟聖釣為樂自更名求志而字達卿或曰君之名慕若箕頴有志於獨善者君之字又若慕禹稷未忘於兼善者何哉余曰達有二義昔子張以在家必聞在邦必聞為達子曰是聞也非達也然則凡世之崇飾名

譽超取顯美直子張之所謂聞必沈酣義理涕吐榮利然後庶幾於夫子之所謂達歟余聞達卿方且為四書闡新義以輔先儒之說茲事體大非博學詳說真知實踐未易為抑余聞之學者以不阿世為難隱者以不改操為難祝欽明舍五經而舞八風廬藏用起處士而隨駕常秩閣春秋而譽新法豈非學者歟隱者歟或疑達卿未忘兼善者要為愛達卿也達卿矍然起拜曰敢不書紳銘坐以從祝規然前云茲事體大請閱其目余曰辭達而已矣作文體要也下學而上達作聖功夫也子其勉旃

方郎居之

竹溪翁為吾家方郎廣翁居之作字說高矣美矣然義理無窮余請為竹溪作義疏可乎按孟氏居移氣養移體之論特借齊王子子以啓發學者當與今為宮室之美妻妾之奉而為之一章並觀自古聖賢居窮處約而當時後世宗師之者以其道之巍巍非以其居之潭潭也不以道而以居則四代禮樂非陋巷所能容而百官宗廟亦不在魯東家矣夫士之大節曰居曰行而已申申夭夭其氣象也戰戰兢兢其操也獨行不愧影獨寢不愧念其踐履也凡所以居

之也居之安則推而行之如乘安車駟馬徐驅於九軌之塗大風有隧勿迷也終南捷徑勿由也居之方富春秋力學而強為善知及之仁又能守之可以負荷此名字而無愧矣

方郎立道

方郎與柳誠懸同名若慕蘭者余字之曰唐卿君曰非吾志也改字立道請余作字說余問其旨君曰聖人云可與適道未可與立可與立未可與權是適道而後能立能立而後能權以權為聖人之極致非也易曰巽以行權巽之義為謙為順惟聖人能之未至

於聖而以謙順制行恐知柔而不知剛能通而不能  
介矣字者所以矯其質之偏吾將書紳而佩章焉余  
曰君言有味吾試演而伸之其大者如周公誅管叔  
季友酈叔牙孔明取劉璋權也行一不義殺一不辜  
得天下不為道也彼一聖二賢千載而下有慙德矣  
其次若雄為莽大夫或為操謀主約為梁佐命權也  
不立惡人之朝不踐二姓之廷道也彼三子萬代遺  
臭矣又其次蔡邕懷卓私遇邴超預溫逆謀宗元為  
佞文死交其始豈不借反經合權之說以自文其終  
何如哉君名權而字道佩父祖義方之訓發聖賢書

外之蘊吾之畏友也或曰子謂惟聖人能謙順也  
余曰見南子欲從公山不擾之召必仲尼而後可若  
未至於仲尼則子路之不悅者為正不易之論也誠  
懸大節如筆諫之類真廊廟之言徒以和殿閣微涼  
之句欠規諷為放公所貶君與之名同而字異它日  
所就豈與誠懸若是班乎吾意君之卓爾有立者如  
中流砥柱之立巽以行權者非九二床下之巽矣

黃有容

詩人黃君寬夫求字於余余曰君詩律精妙有王  
邢居實氣骨然其吟太苦思太深胚樸借不甚大古



今詩人如麻粟惟唐李杜本朝歐梅半山玉局南渡  
放翁誠參覲為大家數蓋語意深淺規模濶狹士終  
身之通塞榮悴繫焉詩云乎哉郊云出門即有碍誰  
謂天地寬島云我要見白日雲來塞青天嗟乎碍塞  
郊島者誰欤二子自碍塞之爾前輩論李杜云與元  
氣侔又云橫破六合力敵造化於歐梅云自從二子  
死天地取雷聲至半山玉局何止平生三寸篇哉楊  
陸三老放翁萬首誠庶亦數千未有繼者此諸老先  
生耳目口鼻與人同而氣魄力量與人異以其大足  
以容之也君假以年持滿而發盈科而進可以追攀

諸老豈若晚唐殘廢蟬噪者之為哉余將求君續稿  
而觀焉君進而未止者不惟社友將避君三舍雖老  
夫亦當放子一頭矣中庸曰寬柔溫裕足以有容敬  
字君曰有容君其勉之

心泉

初君行山閒得泉一泓愛之有會於心即其所結菴  
高曰心泉曰渴飲泉飢讀書終吾身於此矣余久絕  
還往斷知聞未知有君君顧知有餘數寄聲求余語  
題泉上余笑曰甚矣君之緩而不切也君復貽書陳  
詩介徐友懋切以請益勤余非君安知君之心然即

泉名以求其義盖有可得而言者夫泉至清撓之則濁心至虛至明泊之則昏善疏泉者必澄其源否則末派之弊河汙濟矣善治心者必端其本否則毫厘之差舜為距矣以此復君可乎君請其序余曰蒙之象曰山中出泉蒙謂存養此心也孟子曰泉之始達謂充廣此心也中庸曰溥博淵泉而時出之存養充廣者然也此其序也君既厭銅臭而慕瓢飲捨塵居而即巖棲以心體泉以泉洗心於游息之間備仁智之事雖聖賢復起必不麾之門牆之外矣因次其語為君勉

謚議

侍講朱公履謚議

謚古也複謚非古也謚法曰謚生於行者也苟當於行字一足矣奚複哉故侍講朱公沒於爵未得謚上以公道德可謚下有司議所以謚謹獻議曰六經聖人載道之文也孔子沒獨子思孟軻氏述遺言以持世斯文以是未墜漢諸儒於經始末極以資文墨鄭司農王輔嗣輩又老死訓詁謂聖人之心真在句讀而已涉隋唐間河汾講學已不造聖賢闡域最後韓愈氏出或謂其文近道爾蓋孔氏之道賴子思孟

軻而明子思孟軻之死此道幾熄及本朝而又明漁  
溪橫渠二程子發其微程氏之徒闡其光至公而聖  
道粲然矣公持心甚嚴不萌一毫非正之念其於書  
捨六籍則諸子曲說不得干其思其於道不敢深索  
也恐入乎幽不敢泛求也恐泊其說讀書初貫穿百  
氏終也韜以聖人之格言自近而入微由博而歸約  
原心於秒忽析理於錙銖采衆說之精而遺其粗集  
諸儒之粹而去其駁曰純矣哉孟氏以來可槩矣見  
公中科第時猶少也薄游徑行閉門潛思朝廷每以  
好官名莫能屈不得已而出惟恐去之不早晚在經

筵不能五十日而閑居者四十餘年山林之日長講  
學之功深也平居與其徒磨切講貫皆道德性命之  
言忠敬孝愛之事由公之學者必行己莊與人信居  
則安貧而樂道仕則尊君而愛民重名節而愛出處  
合於古而背於時好若此者真公之學也烏乎師友  
道喪人各自尊公力扶聖緒本末宏闊而弄筆墨小  
技者以為迂癩於山澤與世無競而汨沒朝市者以  
為矯自童至耄動以禮法而跡弛指繩墨者妍笑以  
為誕世嘗以是病孔孟矣公何恨焉初太常議以文  
忠謚公按公在朝廷之日無幾正主庇民之學鬱而

不施而著書立言之功大暢于後合文與忠謚公似  
矣而非也有功於斯文而謂之文簡矣而實也本朝  
歐蘇不得謚文而得之者乃楊大年王介甫介甫經  
學不得為醇其事業亦有可恨大年政復文士爾文  
乎文乎豈是之謂乎世評韓愈為文人非也原道曰  
軻之死不得其傳斯言也程子取之公晚為韓文立  
考異一書豈其心亦有合欤請以韓子之謚謚公

先祖時以尚左兼考功 先君年十七

代作姑附編末

雜記

辛酉國史實錄院日曆會要玉牒經武要略敕令所  
進書太保右丞相賈某拜太傅加食邑時余兼傑直  
預備一制及宣鎖余適不當日遂藏藁不出朝士多  
見之惟洪仲魯侍郎錄副而去後失其藁不能追省  
猶彷彿記三數語首聯云揔羣書奏七略載嘉汗竹  
之勞立太傅曰三公爰峻面槐之拜中閒云昔夫子  
卻萊夷之後定古文之百篇周公踐商奄而歸作太  
平之六典向非天資學力之俱到安能文章武備之  
兩全尾聯云於戲倚相楚之良史豈惟讀上古之墳  
典索丘謝傅晉之偉人可以繫中國之衣冠禮樂語

意稍著題與尋常進書加恩者不同

上聖學尤高詞臣進小字本或用事稍晦或一兩字未安必反復詢究或御筆徑改定元顏氏垂滅李梅亭草某制用銷金字取漢人銷金石之語上改銷字為糜字程滄洲草裡赦用皇靈字上改皇靈為國威余擬科舉詔草楊鎮建葺呂文德加恩制進小字本工於中間疑一二字皆宜諭下問即具出處回奏政再改進上或依改本或批不必改凡聖筆所定無不曲當此類不能悉記

孟珙家請賜神道碑詔學士院撰述久無下筆者其

家請不已本院具兩直院名銜取旨御筆劉某撰述及進稿翌日宸翰付三省云劉某所撰孟珙碑措詞平正

辛亥余以右史兼內制侍講時相安晚年高二三執政方收士譽諸人心懷向背以攻安晚者為賢余一日見晚晚不勝憤鬱而言曰吾負諸賢徐真翁率全臺論某者力引為執政汝騰為尚書甫供職而去起徐真學士某非不容諸賢諸賢乃不容某某去有不如某者來望此始見思爾余勸其召潘吳二公及董夕郎則人言自止安晚不納外間皆言淳祐舊揆必

相衆憂之不知所出余因進讀九朝通略至澶淵事  
上歎今無寇準余從容奏云本朝國勢差弱中間  
有三狄難賴三大臣以身當之耶律氏越幽薊犯河  
朔決大駕親征之榮斃捷覽者寇準也元顏氏越太  
行黃河犯汴京決堅守京城之策走幹離不者李綱  
也逆亮百萬南吠或欲散百官而航海卒之扈鑾輿  
幸建康者陳康伯也臣嘗謂此三人者皆奮由書生  
口不談兵仕不歷邊陲不曾作將帥一旦國家有急  
所立奇偉如此豈有它哉直以忠義之氣吞此虜耳  
方今人材求伊呂管樂之材恐不可得若就士大夫

中求如準綱康伯輩莫須有人若不論其人節義大  
閑但於曾作邊帥中擇相中外之所以寒心也上稱  
善曰卿言良是豈非疑朕復用某人耶朕決不用之  
退而仰歎上英斷不已侍讀趙端明用父聞之歎曰  
人主豈可無儒臣在左右

頃余以少蓬兼西掖侍晚講一日湯左史季庸夜訪  
余曰聞君翌日進講吾欲求外補而上未允煩君一  
語贊上決余巽謝不敢當季庸曰上於經筵中常目  
屬君吾求退不求進君何疑焉余漫諾之及講罷賜  
堅因奏湯中求去陛下何以處之上曰其人甚賢朕

欲留之余言湯素恬退自言初筮二考即蒙拔擢由  
掌故學館歷諫官至柱史全不歷民事乞一外任自  
試萬一有外庸它日召用不憚再來其人材實非矯  
飾者上曰卿素識之耶對曰臣前假守袁州中為宜  
春主簿與之同官一旦求兵廟去臣不能留由此敬  
重之上曰然則合入何闕余曰此在君父向來真德  
秀自右史除江東漕若除監司亦可時江東闕漕余  
奏以此處湯何如上曰也許某人退以告游丞相游  
丞相曰上先諾楊伯岳矣即擬卷湯某除秘閣修撰  
湖北運判除目至後省見御筆批其後云除右文殿

修撰湖北運副余遂以上意載之贊書

端平乙未並拜二相之後時事小異安晚辭官表云  
憂心愠於羣小或憂蹊隧之漸開眾賢聚於本朝未  
必規模之遽變再相數年求去不允羣議稍侵之又  
表云大臣負曖昧之謗不能自明小臣竊忠直之名  
以徼後福似此類不一語意極條亮

辛酉夏余進皇太子官端午帖子云錯繇術進何裨  
漢任以棋親亦累唐聖代尊經崇理學講堂燕子日  
初長外議以錯任事不當用丞相以為閔余曰編考  
前人所作此如寒食必用介子推事端午必用屈原

事在上兩句下二句卻頌到本朝之美似此者不可  
勝舉又楊誠齋老於文學於大蓬兼光宗諭德賀東  
宮生日橘中延綺皓瓜瓞屏任文何嘗不用王任事  
某下三句歸美今日抑彼所以揚此也眾議乃息  
辛亥明禋前余以大蓬兼內制常少又被勅攝卿  
上既臨景靈宮齋殿余與鹵簿使徐同知真翁立簾  
前燭光烘簾見上將易服而貂璫草忽離立偶語若  
祭禮有未備者余為禮官深慮失職既而微聞尋璫  
未見謂在太廟失記携來久之左右奏知上徐曰去  
取來又久之璫走告璫止在神御殿柱邊燭閣不

之見又以奏上徐曰取來看既見本色上易服余始  
跪奏請上行禮竣事上還齋殿左右請究詰掌璫者  
上不荅而起終無所問因一璫遲了十餘刻百執事  
皆有窘色惟上自始至終端坐恬然若無事余與真  
翁竊歎萬乘之主而聖性寬洪一至於此非德盛仁  
孰其孰能之

趙觀文與憲以版書尹京都人頗議其挾莞權以固  
位市寵雖油醬瑣細皆籠其利余侍經筵極論之略  
云權酷權契囊括無遺弓張未弛倖失利源邑因繭  
絲之取邑無生意民受魚池之殃且引漢箕繆唐官



市以諷又曰麟趾之澤熄蠶尾之誇與聞趙想于上  
曰言臣猶可乃謗及國姓余不自安講次乞骸以避  
之上問其故余奏臣素善與蕙此論國事爾所謂麟  
趾之澤熄蓋秀才家時文有無關雕麟趾之意不可  
行周官之法度耳於國姓無與聖意釋然後鄭發論  
余趙移書閩船揚瑾云後村之去非某意

乙未六月余為編修官兼侍右郎官輪對至待班所  
則吳叔永舍人已先在彼侍立矣叔永借余奏劄一  
觀余答對畢當納副本今未敢示人也及對至論倫  
紀處上反復論難累百言余一一條析以對上色莊

然玉音溫厚不以為忤既退叔永問曰對何其久也  
某立得肚飢矣余示以奏藁叔永歎美曰諸人皆不  
敢言矣君真不易隔三數日解后見叔永曰某為君  
對女激發因皇女不育加封詞頭下某既草詞別入  
賤黃云陛下未有皇嗣雖皇女亦多不育引梅福續  
人者所以自續之語必為故王立繼則子孫千億及  
付出則貼黃已揭去聞上不樂某封上且如此君昨  
面對天威咫尺慷慨開陳踰晷不退某有愧於君矣  
後余為季永所論叔永與游果山聯騎餞余湖山叔  
永云某不意舍弟如此余曰人各有所見昔黃魯直

除右史蘇黃門不肯押省劄而寢不以魯直乃坡公之客而少怒其來久矣何足怪也游公笑云天下乃有故事親切如此一笑而散

丙午十月一日余為少蓬當轉對論國本大略謂此事不可謀之婦寺邪諂之人又曰當定于一今也朝選一人焉暮選一人焉舉棋之勢未定當辭之覬寢廣又言或難臣曰金枝玉葉之繁將惡乎擇臣曰聖意之所屬即天命之所屬又言近臣無范鎮司馬光累數十疏不已大臣無韓琦趙鼎以此事為已任疏出翌日間游丞相亦有密奏越三日上享原廟有貴

州刺史之命而先遣入內小塾者歸其家歎後六年辛亥余召對再溫前疏願采臣自姓為子之說未言昔朱熹三見孝宗言日往月來不惟臣蒼顏白髮仰瞻天顏亦非昔矣臣自丁未至今亦三見陛下矣由臣視熹愚賢雖異愛君一也誦熹此言悽然有感上欣然曰朕意已定小者略長成即教它入來既對眾論以余不攻安晚指為晚黨庠士陳宗干謁余不慝所欲嗾其黨上書指余二疏皆非惟國論本差強人意然未免貪天之功余累乞骸納祿頓首上前曰羣臣多論國本陛下試編類矣有一部通鑑多臣止有

一板半板何切之貪天顏為一笑貪天之切四字謂當權位者若漆室女憂君老子少倚楹而嘯豈可加以貪天之名乎景仁君實一生名節可敬論建儲特一事爾同時職方員外郎張述亦論此事尤切大為時相富文忠公所詆何足道哉

余自江東憲以太府少卿召對御筆賜第入館俄兼晚講甫旬月又兼權中舍余力辭至四五游丞相云此上意某不敢復奏余因白丞相多士滿朝何至用某作詞臣此距新春不遠萬一省試差官又當濫吹耶游公曰恐不能免余曰此大不可先朝以王君貺

張安道同知舉因爭卷子君貺自謂舉進士第一罵安道曰公雜出身晚不得張公以賢良進而人言如此况其本無出身耶游公大笑其冬余因留黃去國晚為兵侍兼內外制壬戌省試前詣廟堂乞免考試令傳相魯公荅語亦如游公余舉君貺安道舊語魯公亦大笑卒免差余仕由門蔭鄉監則應宗少常少大小蓬史局則應編修檢討同修撰經筵則應說書侍講侍讀又兼西掖再直北扉可謂忝竊惟不曾為試官爾

余少未為人所知水心葉公稱其詩可建大將旗鼓

西山真公自為正錄時稱其文延譽於諸公初筮靖  
 安主簿年二十四庾使潔叅袁公被旨來攝豫章辱  
 致之幕教官擬賀冬年素不合忽蒙改委公不易一  
 字因白事留語主簿定日必以四六名家余益非素  
 習通勉為之耳公曰君年事未也而四六乃有李漢  
 老風骨定日豈易量余謝不敢當時但知李公漢宮  
 春梅詞而已實未見其四六也退以告郡士萬柵伯  
 我自述空疎之愧萬曰李公有一位在郡中居從其  
 家借雲龕集與諸家所作誦習之稍為上官代筮記  
 大小狀皆以薄技得之定無繆巧故諫議忠簡傳公

以前啓伏有堂審之命會西山帥三山以議幕辟余  
 除將作監簿兼福建叅議官西山召余遂牽連造朝  
 安晚初相賀執滿牀晚以余啓為第一及為樞掾以  
 西山薨堂白再乞福建叅議以送其終二相皆言早  
 間方奏知欲以禮部郎官相處如何去得儉正奈子  
 壽副都承顏者仲左司崔端純右司趙汝謏陶木編  
 修陶奎在望皆聞其語退而相率賀余余曰福將作  
 矣何賀之有未筮被論去國李元善在諫者小東云  
 因南宮之除稍響一表即何足忌忌余或為詞臣耳  
 然余晚遭遇未嘗歷表郎而為詞臣

又此罪也初自此謗未五十今六十矣惡名著身如  
染癩沫漆然詞窮理極終不能免此等差使壬戌二  
月宣鎖草楊蕃孫建節皇姪乃裕檢校少保制二鼓  
盡進崇至四鼓後宣諭閱蕃孫制而稱渭陽二字時  
將解衣就枕夜呼燭作回奏不禁勞苦有哀蠟秃翁

每見其文擊節薦于朝曰使為文字官必稱職時余  
方在選調上登極舉賢能材識公已告老又以余應  
詔謝以小啓公自荅云取舊知而論薦應新詔之蒐  
羅難非當時有味之言庶矣文若不休之意後南塘  
趙公為西宗評余四六云馴雅簡潔全法半山又云  
老胡雙眼猶能別寶更須叅取歐蘇使之神化不測  
它日見余一二篇又云某在兄雲霧中今知前所見  
一卷就其所好一體耳時南塘四六獨步一時西山  
書云安得好時節使兄與南塘對掌其後南塘直玉  
堂余亦忝内外制

余為廣濟被召為金州所論于祠明年以尚右郎官  
召為濮斗南所論皆言其披襟南宮余每與游丞相  
久安晚諸公書言某中年婚嫁迫人但得一處官苟  
俸祿以送老足矣雖凋郡邊城或摠餉亦願為乃無  
故加以此名幸無它過今年之斥此罪也明年之斥  
又此罪也初自此謗未五十今六十矣惡名著身如  
染癩沐漆然詞窮理極終不能免此等差使壬戌二  
月宣鎖草楊蕃孫建節皇姪乃裕檢校少保制二鼓  
畫進崇至四鼓後宣諭問蕃孫制所稱渭陽二字時  
將解衣就枕疲呼燭作回奏不禁勞苦有哀颯禿翁

每見其文擊節薦于朝曰使為文字官必稱職時余  
方在選調上登極舉賢能材識公已告老又以余應  
詔謝以小啓公自荅云取舊知而論薦應新詔之蒐  
羅雖非當時有味之言庶矣文若不休之意後南塘  
趙公為西宗評余四六云馴雅簡潔全法半山又云  
老胡雙眼猶能別寶更須叅取歐蘇使之神化不測  
它日見余一二篇又云某在兄雲霧中今知前所見  
一卷就其所好一體耳時南塘四六獨步一時西山  
書云安得好時節使兄與南塘對掌其後南塘直玉  
堂余亦忝內外制

西山四六高處不可慕擬為江東漕與廣德守魏峴  
爭賑濟謝表惟歐公能道它人莫及也然書與余云  
某四六從龍溪入兄與履常由半山入故標致不及  
二公其謙下如此

余開禧乙丑補入參果行仲弟無競從弟志學恭持  
志與安晚同益余因二弟識之後余宰建陽李知孝  
方興烏臺詩案余蹤跡危甚晚在瑣闥力勸遠相不  
宜以言語罪人其語遂解余有一啓謝晚或云語洩  
禍未已遂不果投惟錄寄西山及陳參與正夫遠亮  
晚相客見其座右寫陳振孫劉克莊姓名正夫乃示

垂八十四更燭下作蠅頭之句又六月二十九日  
試館職內宿夜作策題寫未畢忽暈眩不自持請且  
遂語同院洪伯魯決策求去以貴主薨不敢入字至  
八月未始得請

余年六十二罹陟屺之哀始得暈滑二疾初猶三兩  
月一作及辛亥免表乞歸則二疾月一再作或數日  
一作十日九謁告上閤宰執知余疾狀云何不灼艾  
宰執使人導玉音余始矣丹田餌烏坳自夏徂秋小  
愈迫禋祀始參告宰執徐樞直筠言昨奏差執綬官  
上曰劉克莊可而病程公許可而老遂差陳顯伯可

見上有清切差遣常屬意於君

辛亥五使按嚴更警場余攝太常卿與馬版書趙德淵為余言上消幾個使相窮了版書因言趙悅道一負錫賚一千八百尺兩始悟溫公力辭郊賚之意時

悅道為儀同節鉞

德淵尹京兼  
橋道頓逸使

端平初陳璿洵益微惹外議余輪對略及之云北司貴臣憑情恩寵風憲不敢劾上問為誰余以洵益對上不以為忤稿傳意臺中必不樂而臺端王去非乃上疏相助當時臺諫之賢如此後李元善論宮媼及洵益選工侍不拜而去然未嘗任用王內相一德度

前代帝王所不及

上洞知羣臣情態端嘉後言者多及宮媼或言二吳陰與通譜認之為姑道夫因論事亦有數語及之若欲擺撥者唐伯玉察院晚講上語及道夫笑曰別人如此說他也如此說伯玉因彈道夫貼黃及毅夫二吳一生權譎而不知心術為人主所窺如此

宰輔賜謚多上自定杭相李公當軸除授公戶庭肅鞭靴不及其門與高孔山相先後薨上謚李曰文清謚高曰文惠聖筆之嚴如此近知堂董相薨御筆賜謚文清余歸道達徐公直翁問董何以謂之清余曰



見董公詞頭至院草制繳連其乞致仕表自言策免後十年居里自慙無益縣官職俸祠俸皆不敢幫豈非上見其遺言如此遂得美謚耶徐默然後陳益齋謚忠肅直翁謚忠簡皆出聖裁不下有司

後村先生大全集卷之百十三

表牋

袁州到任謝表

遭蹟言而去國自屏空山奉明詔以典州且叨善地已臨封域且布詔條臣中謝伏念臣本起甌生最為拙宦偶逢總攬遂忝旁招猥塵分府之俸嘗奉便朝之對莫施螢爝禪日月之清明雖批龍麟覺雷霆之開霽惟小臣之孤立恃明主以少安及速抨彈尚蒙涵貸文離賦粟方此養病象罔得珠俄而起廢惟袁為郡舊名安靜之區與盜比鄰今亦孤危之地城空

無備兵少且孱以妄庸縲分千里之憂恐倉卒難待  
一朝之變而况別蒸顏於膝下魂夢屢驚旅隻影於  
天涯宦遊奚樂徒有君親之一念若為忠孝之兩全  
茲蓋伏遇皇帝陛下奮發主威作新吏治謂多壘艱  
虞之際務使民安凡錄屏臨遣之人率由聖擇乃如  
臣等亦在教中臣敢不厚培本根申畫封守長江之  
險與我共願為強敵之防四境不治如之何則此微  
臣之罪

廣東提舉到任謝表

起廢察州從天而下便私易部遵海而南具布漢條

初行粵俗臣中謝臣竊稽使指備載聖經君之遣臣  
也有光華臣之報君也以忠信今百端之供億殆徧  
國中餘一髮之本根獨惟嶺外方且羅舟之發銜尾  
齷鈔之取及膚空熙豐以來之儲增紹淳未有之額  
使賈生而及見哀痛謂何雖劉晏之復生變通安出  
乃如臣者豈其任哉嘗試絃歌本宓賤言游之緒論  
迨分符竹慕陽城元結之遺風久閑退而里居尤濶  
踈於時務疚心徒切着手實難惟有清修革彼萑苞  
之類詎宜諤巧取諸荷蕞之間民生或不自聊臣死  
奚足塞責矧郡邑之三風猶熾與閭閻之五瘴未蘇

曾是人微欲其身率茲蓋伏遇皇帝陛下記功忘過  
舍短錄長謂一男子妄上書本緣愛主屬見大夫無  
可使遂取充員庶令荒遠之情悉達靖淵之聽臣敢  
不褻帷而訪草奏以聞惟無瑕者戮人必先責己以  
不貪而為寶少戢吏饜

廣東除運判謝到任表

庾氏命官法宜久任漕臣之使恩許驟遷外竊光華  
內叢憂懼臣中謝臣恭惟列聖尤重遠臣存裕陵時  
命端顧之前輩及淳熙世用先朝之老儒非取其趣  
辨之能蓋責以將明之事如臣迂拙荷上使令憤士

風之垢污慨國計之殫乏雖有范滂之志終非所長  
豈無韓滉之心不贍於力君命幾於辱矣臣罪猶自  
知之曾謂選掄就令飛輓塞下之餉方急湏中之糶  
復興每於吏民相告語之間具言朝廷不得已之意  
然而東南之勢久矣弓張中上之家今皆瓶罄斧味  
若可美而為獻葵根恐因刈而愈傷况詔書之丁寧  
極聖慮之惜怛若為展究稍釋顧憂茲蓋恭遇

皇帝陛下德昭百官明見萬里並收多士莫非建功  
立事之才不棄諸生有取固本深根之說迺如孤外  
亦在選中臣敢不益秉公清少蘇凋瘵驅馳原隰務

畢達於下情臨履淵冰庶不墮於晚節

江東提刑謝到任表

寂寞之濱粗安拙守光華之遣特出聖知瘡痍為之  
激昂捧拜至於感咽臣某中謝瞻言江表寢迫風寒  
常情但急於防邊廟筭尤先於固本蓋式敬爾獄預  
知王國之長而能察以情可必魯人之勝所以繇諸  
生而推擇為其係一道之感休伏念臣昨尾百僚莫  
裨一畫所言妄發朱雲素著狂名於短求長杜牧尚  
堪麤使不惟筭商鬻筴抑且搜粟賈牛文俗之事飽  
更筆墨之道都廢上前誦賦諸老賞雕蟲之工省中

漏言萬里獲池魚之禍久矣三緘而避諂恥於一字  
之辨誣不圖改瑟之初復忝乘輅之選課事功則臣  
已試亡具深慙毀畫於瓦墁論風力則臣孤立易危  
矧欲動搖於山獄彊顏一出舉職極難徒抱書生澤  
物洗冤之心庶為明主祈天永命之助茲蓋伏遇  
皇帝陛下有建隆之神武有乾道之英明拔士不以  
一涂觀人於其大節謂山深林密冥鴻久避於網羅  
隱下原高老馬粗諳於道路起之閑廢假以寵靈臣  
敢不精白乃心咨諏所部容姦人則善者美勸憚大  
吏則小且有辭無瑕可以戮人首盍礪律身之操靡

監不遑將母終當陳反哺之情

貢布表袁州

舜絃方奏適當被袵之時禹服攸同美謹貢締之典  
意均芹曝禮寓篚筐臣中謝恭惟皇帝陛下寶以儉  
慈麗惟道德輕徭薄賦首捐布縷之征固本深根尤  
絃繭絲之說凡受專城之寄謹修任土之宜臣叨守  
春臺逖瞻薰殿屬屆金流之候初御微涼雖非火洗  
之良庶存故實

謝戒諭賊吏表 江東憲司

皇之敷言莫匪訓彝之大官之失德實由寵賂之章

賴聖天子之至仁與士大夫而更始臣某竊以建隆  
創業盜臣必具於五刑乾道屬精汚吏罕從於三免  
伏竊一礼丁寧之意仰合二祖英明之規茲蓋恭遇  
皇帝陛下張國四維操玉八柄謂恭儉無載爾偽乃  
在位之典常倘風愆有一於身是甘心於暴弃豈特  
麗朝家之重辟亦永為名教之罪人臣敢不倡率屬  
封恪共明昭昔跼靡夷瀕人或怠於自脩今墨封阿  
烹孰不强於為善

明堂礼成謝表

奉二貞於明禋邦儀八舉練中辛之綱目祀典一新

溥率均驩顯幽並賦臣某中賀恭惟 皇帝陛下遵  
 禹勤儉法文肅雖立重屋以饗天若稽古制陟茂陵  
 而配帝蓋取聖經側身弭雲漢之裁治外嚴采薇之  
 衛既交精祲遂致休嘉臣偷睇國陽載馳江左宣室  
 受釐之間雖莫奉於末光清廟顯相之詩尚能形於  
 善頌

賀皇后牋

聖能饗帝存茅蓋之遺規王假有家實椒塗之內助  
 驩騰寓縣慶洽宮闈臣中賀恭惟 皇后殿下體樛  
 木之和躬濟衣之儉齊姜任嗣太妣聿迨治古之隆

玉女卻處妃不待詞臣之風既受多祉遂形四方  
 臣跡遠闕庭身馳原隰瞻翠旗之綺旒空想祲儀秉  
 彤管以形容莫施薄技

進銀牀

凜周禮之二卣祀典聿崇獻禹服之中金邦儀敢廢  
 上件銀寶寧爰地治匪鑿山奉耐有嚴莫慮失侯之  
 罰貢珍惟謹且殊遣使之求

謝明堂赦表

在國之陽既成熙事配天其澤爰下寬書凡屬復臨  
 慈蒙曠蕩臣中謝恭惟皇帝陛下憂勤庶政抑畏小

心稽典祀於累朝薦馨香於重屋周裡明潔致裸鬯  
以告神漢德沾濡與吏民而更始歡聲雷動和氣春  
回臣猥以暮齡逢茲盛典身方遠外莫瞻依玉輅之  
塵臧在平反願推廣金鷄之詔

除將作監直華文閣謝表

淑問周咨茂然事稱崇班顯職不以次升簡記出於  
清衷寵光萃於晚景臣某中謝伏念臣方心泥古淳  
譽災身素乏發眉愧時粒之不入譬猶虫臂聽元化  
之所為非上聖如天之并容則孤臣何地以投足然  
而弓旌每下增綴亦隨北有斗南有箕靡堪挹簸高

曰原下曰隰甘心馳驅貫索未清埋輪無勇客嘲雄  
之拓落友笑良之往來至若大匠名曹重華奎閣已  
隨鳧雁而去矣乃兼熊魚而取之從雲氣望蓬萊雖  
歎風帆之引夢鈞天游帝所尚聆廣樂之餘曩嗟十  
載之漂零今喜九重之賞識茲蓋伏遇 皇帝陛下  
既新庶政尤體羣臣憐杜甫之丹心不忘明主問馮  
唐之白首猶是潛郎未許退藏復叨進擢臣誓堅拙  
守仰荅睿知君遣使為之歌皇華敢憚騏駟之遠役  
臣無母何以至今日終懷烏鳥之私情

謝賜同進士出身表

臣某言伏準 御筆特賜臣同進士出身除秘書少  
監兼國史院編修官實錄院檢討官兼崇政殿說書  
已於九月十六日祇受賜出身勅命者奉身去國曷  
嘗一飾之忘君錫第登瀛親遇九重之知己承學之  
流咸勸明主之恩不背臣某中謝竊以儒科至崇史  
筆尤重韓維廷試不就因見遺 仁祖之朝曾鞏總  
叙既成且莫副神宗之意如臣者少雖勤苦晚益惰  
荒當劉蕢未風之時莫拔一第及宗元久斥之後絕  
意復收起廢徒中奉使江表不圖白首尚簡清衷招  
屈原於修門憫其憔悴見賈誼於宣室訪以治安天

瀕咫尺之不遠雲草昭回而下歸遂舉朝廷久虛之  
典如待巖穴特起之材無同進與爭時名有至尊以  
為座主昔先人掌太史蓋嘗窺金匱之書今天下詔  
諸儒復使陪石渠之論遭逢出於千載光采震於一  
時人以為誇臣之所悞茲蓋伏遇 皇帝陛下改絃  
更化設虞待賢雖得士於舉選之中猶拔才於尺度  
之外臣翔三千之牘始謂報聞臣洪六十年迺蒙  
親擢寔惟不世之遇愧匪能言之倫臣猥以暮遲忝  
茲優渥不願矜矜文章之小技但當蹈節義之大閑惟  
孝惟忠念君寵母恩之難報則筆則削矣天刑人禍



之足憂臣無任感天荷聖激切屏營之至謹奉表稱謝以聞

經筵進講禮記徹章謝專官表

禮毋不敬甫終典學之功王求多聞爰懋設經之賞  
光生虎觀愧極鷄梁臣某中謝自淹中之傳失真而  
野外之儀因陋齊魯兩生之泥古或遂許以大臣并  
汾諸子之逢時尚有慙於明主於皇昭代取則遺編  
內而踐脩身齊家之言外而詳班朝治軍之制策進  
士賜儒行瞻淳化之奎文章太學講中庸屈重華之  
清蹕肆英辟丕於前烈命群儒各誦其舊聞風雨不

渝星霜屢易生而知之者上也發明靡待於切磋臣  
何力之有焉傳習未離於佔畢例迂華秩祇覺覲顏  
茲蓋伏遇皇帝陛下以藻旒之尊資瓊履之益每稱  
制而臨決亦刺經而叅稽仰止高明一洗后倉戴聖  
之訓誥顧如淺陋莫傳胡瑗張載之緒餘偶際休明  
繆叨優渥臣等敢不俯鞭退惰仰贊緝熙漢臣誇稽  
古之榮不過俗見孔聖戒事君之諂永佩格言

除秘撰福建提刑謝到任表

操觚入館責以舊羶乘傳起家榮於畫繡雖愜循陔  
之志詎忘存闕之心臣中謝伏念臣繇羈旅而立朝

時君父為知己擢髮數世卿之罪道路誦傳造膝忠  
明主之言天日臨照及屢駁詞頭而抗論果收還鬼  
質之除書然猶受求疵責備之衆攻叢賣直患失之  
二謗擠排甚力記憶愈頻俟駕而行固難宣防風氏  
之戮出門有礙懼見加康章子之名方將耕繇田而  
終身敢作乞鏡湖之妄想不圖睿渥就擁皇華奮於  
瓜牛廬之卑被以駟馬車之寵慈母一笑喜問不疑  
之平反故人相孚勿犯孺文之公法思仰副朝家之  
隆委非直為閭巷之美觀茲蓋恭遇皇帝陛下更大  
化以作新體群臣而任使謂臣已侵暮景有百年期

願之老親宰臣見齒旦評無一餘睡眊之恩怨拔諸  
閑退處以便安臣敢不絕瓜李之嫌盡桑梓之敬內  
存孝謹常保垂魚之歡外落驕榮庶免沐猴之誚

謝賜宸翰表

臣某伏蒙 聖慈宣賜臣後村樗庵四大字者伏以  
侍經虎觀忘其瀆告之求肆筆燕朝被以昭回之飾  
偃躬捧戴舞手兢榮臣某中謝昔在乾淳時多鴻碩  
或錫石湖之扁或蒙野處之題當日瑰文親遇 重  
華之眷至今奎畫尚為二壑之光迺如孤臣莫望前  
輩考室在三家之聚買山可數里之間晚歲避喧喜

村居之遠市平生無用取樗散以名庵不揆衡茅輒  
希睿標猥威顏而遂黜既失曩時之機乞骸骨而不  
言恐遺異日之恨悽愴之微忱甫徹龍鸞之妙墨已  
頒傳出尚方檠犧書之呈浴携歸下國瞻虹氣之屬  
天樵牧驚誇鬼神呵護茲蓋伏遇

皇帝陛下

萬機餘暇一札成文遊觀靡出乎簡編造次不離於  
翰墨多能生稟孰謂聖人之無全八法心通何止帝  
中之第一眷私寵甚感涕滂如臣敢不深刻堅珉永  
傳來裔登床而取幸非劉洎之狂抽架而藏可埒鄴  
侯之富

謝除權兵侍兼中書直院表

入隨天伏甫載筆於軒墀擢貳夏卿仍代言於扉夜  
名為攝之實愧抱虛臣其中謝嘗觀班氏之書有感漢  
臣之事遷由史進列於卜祝之間臯以文名視若俳  
倡之類如臣殊過曠世罕聞自忝午同進士之恩迨  
辛亥歷徧詞臣之選入宮如起存闕戀深郡免謗傷  
好輕於前輩天王明聖迴照於暮年趣還之銀信屢  
馳問勞之玉音甚寵昔典午獻淮淝之捷石掌五兵  
建炎開江左之基萍居兩制厥今奏凱有武功之偉  
聚奎兆文治之祥臣痛闇不足以簡稽伍符衰落不

足以斧藻治具朽質繆紆於三組素餐奚補於一毫  
茲蓋恭遇 皇帝陛下總攬權綱改張政紀謂臣  
曩塵清貫畫出上知察臣老抱丹心俾參邇列荷乾  
坤之施大効涓露之報難臣不求蓋空踈自鞭遲鈍  
蕭蕭華髮豈云奏薄枝於從官皦皦孤忠尚欲告嘉  
猷於我后

謝皇太子牋

上一封之朝奏甫徹九重亞六典之夏卿且兼兩制  
恩絲鶴禁愧甚鷄梁臣某中謝伏念某他無繆巧以  
媒身獨荷聖明之知已傷弓久斥張華之心如丹載

筆重來遂良之髮盡白敢圖負辰曲軫遺簪扈漢屬  
車昔以待嚴徐之選東唐大筆今寧無燕許之倫致  
寒峻之驟遷皆春官之密啟茲蓋伏遇 皇太子殿  
下進修儲德參決政機重傳尊師已致商翁之隱好  
文下士亦聞枚叔之名拔之庶僚列在近侍某敢不  
靖循叨竊勉竭論思代如綸如綍之王言雖慙蕪拙  
作重潤重暉之樂曲少答休明

謝兼侍講表

聖學高明又新於始日臣年遲暮不及於前時未嘗  
有溫習之勞何以為就將之助沃心力薄汗背愧深

臣某中謝伏念臣昨典麟臺游陪虎觀誰謂倚相良  
史不知祈招之詩名為河濱門人莫奉禮樂之對竟  
何裨益久已汰歸屏空谷而逃虛劃太陽之垂照驟  
遷從臺重侍細旃問學貴乎積勤臣今荒落義理在  
乎深造臣素淺膚徒以黃鮪賜之清燕茲蓋伏遇  
皇帝陛下法天德之剛健探道心之精微上求王人  
之多聞將以立事臣乏講師之三昧矣其談經欲殫  
一得之愚常惧兩端之竭帝聖其莫及難窺天地之  
大全儒勞而無功或有涓塵之小補

謝 皇太子牋

儲闈參決並登進於時髦講席載陪猶招延於老學  
被奎毫之拔擢出金口之薦敷臣某中謝伏念某無  
旁蹊曲徑以媒身以片文隻字而遇主一見歎嚴安  
之晚重來迫申公之年所習雕蟲已忘童子之故步  
僅嘗涉獵敢與醇儒而比肩方且視草鰲扉談經虎  
觀無至藝兩能之理有一身數器之慙茲蓋伏遇  
皇太子殿下毓德溫文承顏孝謹几軍國幾微之務  
在宮廷唯諾之間已致耆英布滿賓師之列尚為君  
父簡求誦說之臣遂使罷駕獲陪閑燕雖微傑思可  
賡暉潤之歌願竭謏聞少助緝熙之學

謝治兵侍表

夏卿攝貳曾未淹時宸翰落權靡須滿歲乾坤施大  
淵谷愧深臣某中謝伏念臣奮起輒生遭逢真主奉  
宣室半夜之問虛忝席前和薰殿微涼之詩莫能筆  
諫宿昔已陳於芻狗暮年殆類於木雞不圖霜顛重  
覲日表及相如之病未甚求其著書曰仲舒之文可  
思使之為誥灑奎畫以增敝帚之重錫鞶帶而陞從  
橐之真歷攷先賢類更是職臣愈授於長慶必大擢  
於淳熙無愧論思有功潤色彼多材而多藝宜常五  
兵臣不武而不及乃兼數器外竊腰黃之寵內包尸

素之羞茲蓋伏遇 皇帝陛下既集大勳尚收小善  
察臣昔猶盛壯意廣才踈憐臣今已惰荒力疲心在  
起於久廢被以曲成臣敢不圖報明時誓堅晚節形  
骸土木謬忝紫荷囊之榮光景桑榆思返白襦屨之  
舊

謝皇太子牋

叨貳五兵姑令攝之驟放一札遂俾為真繇儲后之  
開陳致設儒之忝竊臣某中謝伏念某傷弓三已加  
璧屢招曩歲揮毫和涼殿薰風之作暮年視草貽春  
船上水之嘲小不能潤色臺閣之典章大不能陪輔

朝廷之遺忘浮沉無補俯仰有慙自憐鬢雪之多人  
恠腰黃之速茲蓋伏遇 皇太子殿下謹三朝之問  
禮替九重之勵精就傳春宮廣招延於鴻碩取材寒  
峻密薦進於燕閒乃若癯殘亦參華近某敢不簡稽  
尺籍道達論言祈父爪牙未必堪夏卿之任商翁羽  
翼何幸觀漢嗣之成

侍從賀宣繫駙馬表

產祥帝室素推內則之賢擇對母家茲得後來之秀  
既諧禁籙久愜慈懷臣等中賀竊以選尚至難流傳  
可數在前代有真長子敬至 先期惟端愿景臻參

稽往昔所聞未若斯今之懿茲蓋伏遇 皇帝陛下  
盡修齊之道隆親愛之恩舅氏如存之思淵衷尤切  
玉姬下嫁之禮古訓是遵喜洽宮闈驩騰寓縣臣等  
猥塵華近適賂盛明詩美彤二南之風不知其舞臨  
書稱睦九族之德莫得而贊揚

謝除權工書表

賤臣耄及欲全晚節而歸明主恩深俾攝冬御之乏  
竭粘有愧蚤負曷勝臣某中謝伏念臣幸際休嘉徧  
塵華近屬當宁又新於盛德舉在廷絕企於末光濫  
風其間尤駕而下詔見王者之志臣慙草制之非工

議盡天下之心臣無芻言之可采屢祈謝事輒復遷  
官使斯司馬而罔功命汝工垂而奚取違挂冠之始  
願黍曳履而胡顏髮白而貪戀不休肩頰而荷戴愈  
重茲蓋伏遇 皇帝陛下仁先求舊明善燭微憐其  
自山林而來念其侍軒墀之久官如懷祖政恐於過  
情年迫申公未容於告老徒持蠹管何補黼裳臣敢  
不激烈慟衷研尋隋學事聖君無諫諍莫殫獻納之  
小忠報國恩惟文章所願鋪張於洪業

謝皇太子牋

暮景叨榮第求閑退冬官闕長猥使攝承甫拜命於

龍墀爰抒忱於鶴禁臣某中謝伏念某年運而往氣  
情欲歸從上之回跣遠扈甘泉之蹕發帝之令鈍遲  
慙下水之船每侍威顏屢乞骸骨詔旨示挽留之  
輿言有根著之疑劃奉宸奎驟遣台斗履聲寵甚憤  
看禁苑之煙花絡首依然徒夢江湖之水草負山力  
薄墮谷愧深茲蓋伏遇 皇太子殿下天稟溫恭日  
加新益尊事壽耆厚書契以迎芝翁肯好文辭覽賦  
頌而知枚叟遂令衰朽誤忝顯榮某敢不紬繹舊聞  
激昂晚節束宮毓德仰欽造詣之高明南畝歸耕終  
冀開陳於清燕



謝陛兼侍讀表

疊組之 談經尤忝細旃之上勸誦特高荷獎遇之  
恩隆覺空疎之愧厚臣某中謝伏念臣晚趨行闕重  
侍巡英上顧問謙虛冀有愚者之一得臣敷陳寡淺  
竭鄙夫之兩端曾謂出綸猥加重席傳周官以安  
國所獻猶未終篇問祈招而倚相不知豈為能讀循  
名責實得寵若驚茲蓋恭遇 皇帝陛下收於遲暮  
之餘憐其奉事之久啓乃以沃朕老尚抱於遺編知  
臣莫若君終不遜於 鑒乞骸未遂着足愈危臣敢  
不激烈扶衰研尋溫故月將日就感哉荒冕之緝熙

山高海深難以管蠡而窺測

謝皇太子牋

暮景遭逢曾茂談經之益前星薦進驟陛勸誦之聯  
自省惰荒曷勝恩渥某中謝伏念某已侵葉皓復侍  
緝熙非堯舜之道不陳行其所學謂稷卨何書可讀激  
哉是言雖迫掩嗔而念歸猶戀軒墀而未忍始治章  
句訓詁粗可析疑今問邱索典墳安能知遠茲蓋  
恭遇 皇太子殿下既闡清宮而就傅尚為丹地而  
儲材顧明師在前皆能言之諸老念舊人無幾俾濫  
吹於下陳某敢不重理故書勉求新義非戴憑而重

席此穎而有懸慕洪景之挂冠乞身而後已

周漢國公主薨從官慰皇太子牋

某等茲承 皇女周漢國公主薨聞遽傳輿情共駭  
伏惟 皇太子殿下篤友于之愛興泣然之悲雖仲  
尼之有姊喪禮方尚右然文王之為世子朝必至三  
欲君親寢膳之復初在儲貳順承之加意某等忝與  
論思之列不勝忱切之祈

謝宣賜 御書扇金器繡罷香茶表

宸奎依永辱聖上之殊褒寶篋將行蓋詞臣之創見  
崇光載於輦路賜賚輟於尚方得寵驚心拜嘉稽首

臣中謝竊稽往事有慨微衷漢姬合歡之詩恐涼颺  
之易奪唐相感恩之賦縱秋氣以難移如臣遭逢振  
士希聞所傳師說猶着主之衣裳及東眷知久入君  
之懷袖迫癘殘而丐去察真實而曰俞分天章下飾  
之光賜月斧修成之樸金絲粲若敢用以揮蠅玉柄  
雪如未誇於捉麈既將之幣又酌彼壘加董茗之芳  
甘動縉紳之歆羨身同祥袖已無桃葉之歌帝給橐  
裝不問蒲葵之價宣特一時之感事乞為千古之美  
談茲蓋恭遇 皇帝陛下肆筆文成遺簪恩重謂臣  
嘗居掌握屢賡載於微董憐臣自乞便安非棄捐於

御書

見石堂

中道捧龍鸞之妙墨抱蛇雀之寸丹臣迹雖歸田心  
愈存闕揚仁風以慰黎庶老非試郡之時亟詔書以  
示子孫永作傳家之寶

謝除寶章閣學士知建寧府表

千里而來莫效辰猷之告一辭而退俾逃晚謬之譏  
寶度之隆名列御屏之高選清衷獎異皓首兢榮  
臣某中謝竊以老氏有知足不辱之言孔門垂既衰  
戒得之訓臣之癯憊上所照臨黿禁詔書非能博達  
見王者志龍墀拜舞常恐隕越遺天子羞力陳懇切  
之危忱親灑昭回之奎畫賜之羽扇酌以金壘安車

迎魯申公之來忝陪諸老祖帳送跣大夫之去曾見  
幾人固其抗休致之章借以厲廉恥之俗而况冠寧  
考寶儲之閣需孝皇潛躍之州未許徑歸姑今漸退  
茲蓋伏遇 帝皇陛下獨觀萬化尤體群臣若鏡湖  
賜知章不違高興以管城封毛穎誰謂見跡已叨收  
守之除尚翼忠嘉之益臣遭逢若此報稱闕然和堯  
民擊壤之歌足悞暮景作唐士摩崖之頌願記中興

後村先生大全集卷之一百十三

後村先生大全集卷之百十四

表牋

賀皇太子妃誕育皇孫表

皇儲豫建兆熊夢之祥世嫡始生動龍顏之喜頌聲  
洋溢佳氣鬱蔥臣中賀恭惟皇帝陛下接正統之傳  
開中興之運禹甸禹服廣漸被於九州文子文孫綿  
本支於百世開社稷無疆之慶堅臣民同戴之心  
臣既還里而躬耕莫班庭而旅賀自慚皓首微商山  
鴻翼之勞竊享清朝有豐水燕貽之美

賀皇后牋

坤道成女成仰母儀震索得男廼生世嫡藹鬱慈之  
瑞氣騰溥率之頌聲臣中賀恭惟皇后殿下儷極之  
體尊齊家之道肅慮深國本叶成主鬯之謀躬荷天  
休宜介含飴之喜兩朝曠典四海歡心臣屏處草廬  
遙瞻椒禁祥開輿連端絲燕翼之功才愧風人莫繼  
蝨斯之詠

賀皇太子牋

日三朝而問寢德著宮闈震一索而得男慶流宗社  
臣某中賀恭惟皇太子殿下學求新益性稟聖仁世  
嫡鐘祥生於甲觀天顏有喜浴以金盃實開瓜瓞之

繇可卜蘿圖之永某雖歸南畝猶列西清誦周家貽  
厥之詩本文愈茂聞唐帝樂哉之語溥率均歡

賀天基節表 癸亥

在厥初生寅正五日周而復始申命萬年度集睿明  
歡均率普臣中賀恭惟皇帝陛下系傳正統業齊中  
興節紀開基紹庚申於文祖德升在位同甲子於重  
華茲臨樞繞之辰適合環循之數修齡未艾巧歷難  
推臣負未歸田祿觴無路伏下三呼之祝莫尾班行  
林間一瓣之香尚存忠愛

賀皇后牋

乾元統天適逢於帝出坤厚載物密贊以母儀瑞藹  
皇家歡騰寰宇臣某中賀恭惟皇后殿下儉慈為德  
冲淡頤神河侯千年而清休符驗矣風自二南而始  
內則肅然茲臨載震之辰宜介並受之福叶成泰道  
同享昇平臣諭暉椒塗第深葵向發祥甚遠式符元  
鳥之生依永非才莫贊關雝之美

皇太子牋

聖皇握乾符應期而出長子主震器受祉則均某中  
賀恭惟皇太子殿下講孝尤勤問安惟謹金鑑紀  
千秋之節睿筭無疆玉帶首百官之班天顏有喜若

今之盛曠古所希某屏處蝸廬瞻鶴禁上華封人  
之祝徒效微忠從綺里季之游愧非耆德

賀明堂禮成表癸亥

四年既効方幸小康三歲親祠聿嚴大報顯幽昭格  
溥率歡騰臣某中賀恭惟皇帝陛下德克有以享  
天禮莫大於嚴父辟公相洛邑之祀孰不肅雍天子  
建漢家之封自憐晉滯雖阻駿奔於末綴然猶爵躍  
於熙成臣目睹昇平心存忠愛愧無藻思可賡清廟  
之詩豈有易言可補合宮之聽

賀皇后牋

合宮藏事已行柴燎之儀宣室均釐並介椒塗之福  
慶流宗祏喜洽宮闈臣某中賀恭惟皇后殿下化始  
齊家體尊儷極種於宗類于帝忱格顯幽大哉乾至  
哉坤功高履載成清廟我將肅雍之禮由闕雖卷耳  
輔佐之賢臣迹已歸田心猶存闕祀文王后稷聿攷  
聖經之文頌姜女太任莫繼風人之作

賀皇太子晟

上帝女臨肇稱元祀長子主震首介蕃禧國本奠安  
輿情欣忭某中賀恭惟皇太子殿下肖祖宗之仁聖  
法君父之嚴恭屏葦茹以齊君敬之至也亞藻旒而

裸獻神之格思臣庶屬心元良受祉某隄瞻暉潤自  
歎滯留駢角其舍諸旣精禋之竣事羽翼已成矣喜  
儲德之升聞

賀冬至表 癸亥

登臺而書至日陽德初享設伏而朝大昕天休昭格  
祥開宮闕喜溢堪輿臣某中賀恭惟皇帝陛下握符  
而闡珍考圖而敷貢法春秋一字正外夷內夏之經  
常觀否泰二爻察君子小人之消長方開景運翕受  
蕃禧臣昔忝論思今安耕釣長夜叩牛角不廢詠歌  
五更入鵝行尚形夢想

啓添一線驗化國之祥德冠六宮願聖人之壽臣某  
中賀恭惟皇后殿下齊家之道肅載物之功多仰止  
璇宵若羲俄之並照質之彤史與任姒而匹休際運  
亨嘉宸時戩穀正位乎內端絲陰教之修申命自天  
茂對陽剛之長

賀皇太子牋

陽剛初長義取泰文儲德又新慶鍾震位臣某中賀  
恭惟皇太子殿下謙卑自牧仁孝素聞致敬於三朝  
問安之時事親禮備觀妙於七日來復之際作聖功

深屬此迎長宜其受祉某昔塵扈從今侶漁樵重暉  
瞻鶴禁之賢幸逢休盛三黜旅鵷行而賀自歎滯留  
賀天基節表甲子

謂帝出震義易之言以王次春麟經之法甫孟陬之  
紀月果上聖之應期臣某中賀恭惟皇帝陛下早乘  
龍以御天再斷鼈而立極玃鄉虎落悉主悉臣夷面  
鳥言同文同軌木德屆發生之候椿齡非誇誕之辭  
臣軒旛戀深山林迹遠年高聽重諭聞蒿呼之聲札  
惡詞蕪莫獻河清之頌

賀皇后牋



正次於王有開明聖主守乎內同介壽祺臣其中賀  
恭惟 皇后殿下嬪舜娥英興周任如春生禁掖有  
樛木之恩沾冥啓鈞天以蟠奭之實獻千齡一遇兩  
曜並明臣徒抱誠忠阻陪廷賀現南極老人之象可  
卜休符和西崑阿母之歌聳觀聖製

賀皇太子牋

繞樞之兆命申自天主啓之賢社施于子臣其中賀  
恭惟皇太子殿下德養蒙而火然泉達學求益而月  
異日新至寢門外三朝謹雞鳴之問迎商山中四老  
成羽翼之功屬逢震出之辰宜介泰來之慶某幽棲

有趣旅賀無繇聞高山呼之聲尚能鼓舞海重潤  
之作自愧情荒

賀正旦表

鳳歷授時頒四方之正朔龍墀設伏朝萬國之衣冠  
景運聿開頌聲交作臣其中賀恭惟 皇帝陛下堯  
如天大湯又日新蒙叟謂春秋八十殆匪寓言矣絳  
人誇甲子四百安知大年哉數環循而無窮命鼎新  
而未艾臣身雖拾穗心尚傾葵昔飲獸尊且無補朝  
廷之議今叩牛角安能効獻之忠

賀皇后牋

環珞六甲瑞折莫塔盤祝五辛香浮椒殿臣某中賀  
恭惟 皇后殿下倪天作合載物無疆震為長男若  
龜斯之宜爾泰內君子賴閔睢之進賢茂對新元式  
哀多社臣雖違筆橐猶戀軒墀誦北山移幸免裂荷  
衣之誚侍西崑宴悵莫分桃實之甘

賀皇太子牋

天王頒正朔之初有嚴設伏元子冠王公之上稱慶  
奉觴臣某中賀恭惟皇太子殿下習若自然生而知  
者龍樓問寢適當頌柏之辰鶴禁延賢並致茹芝之  
老履端伊始介福孔多某甚戀明時已寢暮景上挂

冠疏安希華陽貞逸之風聞主卷賢尤甚橫渠先生  
之喜

謝進封開國子表

駿奔在廟助祭無勞爵賜其鄉均釐有愧新綸甚寵  
小器已盈臣某中 謝恭惟 皇帝陛下欽若昊天格  
于文祖開明堂受朝賀至治馨香御端門發德音湛  
恩汪濊寶鼎芝房之歌作白環銀甕之貢來至如踈  
遠之臣亦忝褒崇之列臣屬方退處竊喜熙成神其  
盛矣乎莫相蓋茅之祀子者進之也濫增食采之封

謝皇后牋

米地益封論言甚寵椒塗儷極餽惠不遺既竊身榮  
惟慙官冗臣某中謝恭惟 皇后殿下示儀宮壺致  
敬廟祧策盛衣服之育有嚴竣事山川土田之錫寧  
過用恩自憐華皓之臣亦被寵洪之澤臣食浮有覲  
器小莫勝通漢雍之班名雖法從詠周京之美才匪  
雅人

謝皇太子牋

多士奉璋滯番莫預元良主營慶賞則同竊身之榮  
為國之蠹臣某中謝恭惟皇太子殿下賢居嫡長望  
繫宗祧方貳觴亞果之初肅雖惟謹及徹俎分膳之

際踈遠不遺雖久歸耕猶叨進律某運逢休盛景迫  
暮遲食采已多矧復增於書社羹芹而美尚欲獻於  
階闈

謝除煥章閣學士致仕表

年侵八袞早包戒得之羞朝奏一封夕奉日俞之詔  
貼職晉加於三等論言煥發於九重雪涕滂如華顛  
榮甚臣某中謝伏念臣篆雕枝小刀筆才麤聖主如  
高廟 孝皇之好文賞其詞藻微臣非徐俯陸游之  
宿學錫以科名允禁闈清望之官與擅履邃嚴之地  
人想夢不至者愚忝竊迭為之持論無以出諸老先

生草詔曷嘗泣武夫悍將履声寢近疏眷未衰然而  
臣陳力不能敢忘於知止上退人以禮寧過於用恩  
橐尚有二踈之金篋永賢九齡之扇返耕桑之初服  
侯穿絡之殘骸以一藝而誤受明主之知以萬乘而  
不奪匹夫之志身安丘壑命託乾坤茲蓋伏遇  
皇帝陛下其德又新人惟求舊念臣拔擢於端平之  
更化論思於景定之中興昔侍重瞳曾奉總章之訪  
今含兩齒已迫磻溪之年非必旌賢庶幾優老臣矣  
心銜結掃迹退藏補劓息黥少復意而之破毀臨深  
履薄未忘曾子之戰兢

謝皇太子牋

賤臣垂暮藁奏辭榮聖主如天綸言報可仰賴春宮之  
參決曲成寒畯之始終臣某中謝伏念某頃玷清華  
已瀕衰朽帝於善言善行樂取諸人爾無嘉謀嘉猷  
入告我后難久尸喉舌之任遂力乞骸骨而歸昨返  
林泉日親湯液孳痺不能以伸縮昏眊若有於蔽蒙  
雖曰年高亦緣福過鶴禰褫而病翎甚短安能奮飛  
馬虺隤而絡首猶存力求解脫仁矣聖朝之內恕決於  
儲貳之衷言辭孝皇潛躍之藩陟高帝寶儲之閣其  
退若此何榮如之茲蓋伏遇 皇太子殿下德久升

聞學尤新益至寢門而問禮謹清溫遣安車而迎朋  
來耆舊不奪匹天之志頗憐一老之遺某敢不休息  
殘生洗空妄念牛蓑魚笥終身阿澗之樂鳳輦龍樓  
回首雲霄之隔

大行皇帝升遐慰 皇帝表

捷書系道方忻胡運之衰遺詔傳郵忽駭祀天之壞  
兩宮號慕四海悲摧臣某中慰伏以大行皇帝享國  
之日長施澤於民久風寒設備遠圖恐缺於金甌宵  
旰積勤微恙遽馮於玉几陟方不返同宇共哀恭惟  
皇帝陛下有元德升聞之姿適末命導揚之際文恩

罔極王業至難情固荒迷禮存節抑雖旬服續禹端  
不忝於繼承必美墻見堯乃無慙於付託

慰皇太后表

外遐變慘奄闕梓宮儼極體均痛深椒殿臣某中慰  
恭惟皇太后陛下覩天作合密贊定儲及上彌晉與  
聞顧命死生大矣荼毒奈何驚別好速追感和鳴之  
舊龍胡攀情願寬伉儷之哀

賀皇帝登極表

有王者興繼明繼聖際天所覆悉主悉臣廟社奠安  
裔夷震疊臣某中賀伏惟 皇帝陛下躬膺歷數德

尚祖果自豫建而天人之望咸歸逮參決而國家之  
事明習烈考再斷鼇而立極甚矣勤勞真主初乘龍  
而御天艱哉負荷先猷具在近事可師必崇獎東朝  
以承顏必踈遠北司若棄唾必首開衆正杜群枉必  
不忘大患玩細娛治體必如慶歷以結吾民之心服  
制必如淳熙以教天下之孝三年無改父道孔氏有  
為而言數世以貽孫謀周家必過其歷臣曳履嘗塵  
於雍從桂冠猶抱於畝忠曩奈朝班屢陳國本丙午  
首闡祠禩占夢之謫辛亥重溫自姪為子之言微臣  
之奏藁如新先帝之德音未遠不圖耄耋真覩太平

昔大明生東國已傾心於賜谷今衆星拱北徒知矯  
首於雲霄

今上登極賀皇太后表

如日之升已臨南面受天之祐就養東朝此在明時  
久為曠典臣某中賀恭惟皇太后陛下源流名相佐  
佑先皇不待晏朝始進脫簪之諫仰占天意灼知當璧  
之祥既握乾符首崇坤載臣旄期得謝旅賀未由朝  
周寢門曲盡宸襟之孝頌漢長樂自慙老筆之衰

壽崇節賀表

至在坤元資生之功大養以天下致孝之禮隆茲逢

載誕之辰敬上三呼之祝臣某中謝恭惟皇太后陛下  
下基貴躬澣衣之儉先幾定當璧之媒壽考且寧協  
詩人之作頌崇高莫大明天子之有親洽四表之懽  
心哀二矣而名節臣栖身南畝矯首東朝王母獻桃  
誰謂崑丘之遠大妣夢祀實開周闕之祥

賀皇太后牋

上寶冊於慈闈既加顯號奉玉卮於前殿申祝修齡  
甚盛何加非常之慶臣某中賀恭惟皇太后陛下產  
祥相闕作儷穆陵柔動也剛定國本而豫建退藏於  
密斂神功而若無厥初與佛以同生其數後天而難

女臣收蹤草野矯首椒塗竊門九重現南極星之植  
杖崑丘萬里東西王母之獻桃

賀皇帝表

庭衣褐適符佛浴之辰漢殿稱觴庸侈無儀之貴  
孝慈兩盡普率均歡臣某中賀恭惟皇帝陛下健法  
乾行明同離照攘夷修政增光烈考之伐功約已隆  
親壹用孝皇之故事方四海同効華封之祝然九重  
尤崇長樂之儀臣猥以陳人覩茲曠典名蕩蕩巍巍  
之德幸際盛時賦融融洩洩之詩莫追古作

賀皇后牋

與子功高方上東朝之壽事姑禮備咸推中殿之賢  
喜溢六宮歡騰萬宇臣某中賀恭惟皇后殿下恭文  
外屬茲憲諸孫慕彤管所書素閑內則佐玉卮之奉  
上悅慈顏周命維新漢儀復見第金馬甘泉之頌竊  
自嘆於暮遲陳闕雖卷耳之詩庶有裨於風化

丙寅賀冬

皇帝表

陽生於子方迎七日之來龍飛在天適際千齡之盛  
祺祥滋至普率均歡臣某中賀恭惟皇帝陛下握符  
闡珍正位凝命靜觀消長進衆賢於極辨之朝洞見

忠和退群小於積陰之地法軋之健如日之升臣身  
以明農心猶愛土候雞鳴而獲田舍所願年豐入鵲  
行而捧御床難尋昨夢

皇太后表

日臨南至方占魯官之書天佑東朝兼備箕疇之福  
臣某中賀恭惟皇太后殿下儀刑恭聖輔佐先皇一  
陽浮葭琯而生踐長伊始萬乘躬玉卮之奉曠古罕  
逢喜洽三宮歡騰四表臣昔陪扈從今侶漁樵學非  
耆儒豈敢議明堂於暮齒老無筆力安能頌長樂之  
祲容



皇后牋

來谷律調一陽初復椒房德冠萬福是膺瑞藹宮闈  
慶流宗祐臣某中賀恭惟皇后殿下儉惟澣服諫或  
脫簪有美含章法順承於坤道進賢去佞玩消長於  
復交聳瞻母儀翕受帝祉臣形雖木槁心尚葵傾入  
捧御床莫陪於旅賀來嬪京室徒頌於徽音

丁卯賀

皇帝表

帝出乎震既履位於九重王次于春實改元之三載  
臨照之下忙踰則同臣某中賀恭惟 皇帝陛下為

天地立心膺祖宗傳序在朝在野咸誦堯言於美於堦  
不至舜孝頌清臺之新歷躬恭時之初郊臣忝淳熙  
遭民塵景定法從今皇纘夏后之服臣老已歸是歲  
建漢家之封臣病不與桑榆雖迫葵藿猶傾先世舊  
田廬久遂故栖之返正衙大朝會恍如曉夢之闌

皇太后表

史課清臺聿頒夏正帝朝長樂允肅漢儀治化一新  
臣民交慶臣某中賀恭惟皇太后殿下鍾祥相闕作媿  
穆陵預知當璧而定儲此功莫大不焱撤簾而復辟  
其道更尊順臨獻歲之新翕受對時之祉臣久栖岩

穴逾邇闕廷上欲娛親方致謹玉卮之奉臣嘗載筆  
尚能補彤管之遺

皇后牋

木德發春履端伊始椒塗儷極受祉孔多喜洽大宮  
歡騰萬宇臣中賀恭惟皇后殿下儲祥左皖正位中  
闡志在進賢贊九重之決身先示儉形四方之風鳳  
歷初頒鴻禧滋至臣曩塵獻納今幸退藏拜東上閣  
門莫陪旅賀尋西疇邱壑尚可耦耕

丁卯賀郊祀

皇帝表

授重華而協帝取則前徽祀后授以配天有光初政  
一純臧事四表歡心臣某中賀恭惟皇帝陛下剛健  
粹精嚴恭寅畏采魯史改卜郊之說差擇元正本周家  
有成命之詩蒐求古禮合群言而折衷奮獨斷而舉  
行廟社奠安神祇悅豫臣喜深爵躍耄阻駿奔上御  
端門亦旣敷於大賚臣逃空谷豈敢有於遐心

皇太后表

饗天饗帝旣受胙於圜丘有尊有親遂稱觴於長樂  
輝煌曠典洋溢頌聲臣其中賀恭惟皇太后殿下系  
烏衣太傅之宗生赤城相君之閭昔禁中定大計豫

知再拜厭紐之祥今陛下覆至尊初舉三歲燔柴之禮惟敬可以對穹昊惟孝可以報母慈臣猥以瘞殘逢茲希闕奏泰時宗祈之賦豈乏奇才第思齊訪落之詩愧無雅思

皇后牋

禮行五時上既親祠德冠六宮天方錫嘏維今盛舉亘古罕逢臣某中賀恭惟皇后殿下寅奉玉盥流芳彤管卻處妃而微諷何待詞人介富媪之蕃釐母煩祝史由椒塗之內助致馨薦之熙成臣幸以餘齡觀茲曠典疏特牲之義良愧謏聞誦關雎之詩徒知贊美

軋會節賀 皇帝表 丁卯

帝德神矣日未來而推古有大椿壽不知其紀幸逢聖出適踵佛生臣某中賀恭惟皇帝陛下當清明之初受艱大之託歷數惟爾躬之在薦禹於天謳歌皆賢子之歸績禹之服萬歲千秋之祝九州六合所同臣昔忝詞臣今儕野老種求臯獲西舍未敢惰農斟北斗獻南山未繇旅賀

賀皇太后表

戶屆南訛龍為佛生而吐水辰居北極電因 聖作而統樞天不偶然國之大慶臣某中賀恭惟皇太后

殿下正位乎內先齊其家大莫大於域中之王定策  
而援立尊莫尊於天下之母洗心而退歲誕節同時  
前朝曠典臣乞骸得謝咫尺未忘西崑白雲之謠恍  
聆雅奏東都赤服之兆竊喜中興

賀皇后牋

軋元首物開彌月之祥坤道承天賴長私之助懽騰  
八表喜洽三宮臣某中賀恭惟皇后殿下美在其中  
位正乎內懷進賢之志酌以觥罍諫晏朝之非脫其  
簪珥合寸天尺地所覆載祝千秋萬歲之綿長臣今  
田舍翁昔柱下史種南山之豆力耕落而為箕竊西

母之桃妄想待其結實

賀冬至

皇帝表

月正仲冬陽生於子天申休命國壽於箕愛景舒長  
頌聲洋溢臣某中賀恭惟皇帝陛下用夬之決法乾  
之剛修內政攘外夷邊陲不聳退小人進君子界限  
甚嚴七日方來諸福類至臣昔叨持橐今已荷鋤短  
衣叩牛角而歌懷其垂暮汗脚踏龍尾之道恍若隔  
生

皇太后表

魯史書觀臺之瑞具見聖經漢儀嚴長樂之朝方崇孝  
治隆平盛際溥率歡声臣某中賀恭惟壽和皇太后  
殿下赤城仙聖之同鄉黃閣相君之貴種輔佐先帝  
進賢之助多援立嗣皇定儲之功大順臨陽長茂  
介天休臣雖久歸田未忘存闕奉玉卮之壽莫觀履  
容補彤管之遺更慚新意

皇后牋

書雲之節魯觀紀祥貳極之賢漢宮取則圓形覆載  
舞手歡欣臣某中賀恭惟皇后殿下佩服行璜覽觀圖  
史后節用斡服咸師大練之風上未明求衣深納脫

簪之諫

下月天  
賀年表牋 戊辰

皇帝表

頒清臺之歷文軌混同設黃麾于廷衣冠朝賀照臨  
所暨忭臨惟均臣某中賀恭惟皇帝陛下握符而闡  
除披圖而敷貢四年既効仁義之道力行正月始和

寬大之書數下屬更歲律茂介天休臣雖已耄愔未  
忘憂愛警者於設色無與莫覩太平野人以曝背獻  
忠猶思美報

皇太后表

禮尤重於東皇椒漿浮羊壽莫隆於西母桃實登梓  
佳氣鬱葱頌声洋溢臣某中賀恭惟壽和皇太后殿  
下倪天之妹元台之孫姜氏早朝屢進脫簪之諫平  
王抱入灼知當璧之祥獻歲之初後天而老臣昔事  
先帝今為老農弼指英廟御座而言莫將明於孝德  
軾聞宣仁停箸之語徒感泣於聖知

皇后牋

木德發春履端伊始椒塗儷極受祉孔多運際昇平  
歡騰溥率臣某中賀恭惟皇后殿下正位乎內先齊  
其家法坤道之含洪靡分嫡媵玩泰文之消長洞見  
忠邪歲律更新天休滋至臣遭逢華旦荏苒耄期詠  
闕睢之詩方陶美化作親慈之頌愧乏好辭

後村先生大全集卷之一百十四

後村先生大全集卷之一百十五

表牋

乾會節賀 皇帝表丁卯

上天祐之開千齡之景運聖主出矣得萬國之懽心  
俯效葵傾仰祈椿筭臣某中賀恭惟皇帝陛下昭事上  
帝懷保小民于邦于家躬勤儉而繼禹在朝在野願  
富壽而祝堯休祥允叶於電虹難老益繇於箕翼臣  
耄期已迫善頌未忘負宸大昕恭已端臨於南面稱  
觴廣內承顏長奉於東朝

賀 皇太后表

辰居北極鴻基纘列聖之傳風轉南薰龍衮上太皇  
之壽兩宮慈孝萬國懽呼臣其中賀恭惟皇太后陞  
下謝邑流芳周京儷美受遺先帝決大計而無疑復  
辟嗣王推成功而不有際電繞虹流之旦綿天長地  
久之期臣髮已皓蒼心猶丹赤夢鈞天之燕曾侍禁  
嚴觀長樂之儀自嗟遠外

賀 皇后牋

帝臨五位出乎震之初后冠六宮取諸坤之順椒塗  
有助椿筭無疆臣其中賀 恭惟 皇帝陛下樛木垂  
慈澣衣昭儉紀千秋之節若開元間形四方之風自

周南始欣逢華旦丕擁蕃釐舜鼓琴而歌適屆薰風  
之候姜脫簪而諫何待晏朝之時

壽崇節賀 皇太后表 丁卯

文母內理方詠思齊之詩天子有親特置誕彌之節  
累朝盛觀萬寓頌聲臣其中賀恭惟皇后殿下比德  
姜任游心黃老降生神異浴佛之日同援立聖明補  
天之功大增光典策茂介壽祺臣猥以暮齡際茲華  
旦僅遺一老退休履道宅之居莫尾百僚旅賀光順  
門之下

賀皇帝表



母儀綦貴產祥臨衣褐之辰聖德何加置節如垂簾  
之禮一人有慶萬國懽心臣某中賀恭惟皇帝陛下  
御時乘之龍見王治之象方先帝選佩觴之幼曾未  
探符知冲人膺當璧之占端由定策既負黼宸而正  
南面宜奉玉卮以壽東朝史冊輝煌頌聲洋溢臣弼  
叨扈蹕今已扶犁庭堅詠欽聖之賢尤高復辟臣弼  
勸英皇之孝可謂愛君

賀皇后牋

贊先猶而與子聖矣東朝執婦禮以事姑孝哉中殿  
欣逢誕節仰頌徽音臣某中賀恭惟皇后殿下風始

自南教修于內脫晏朝之珥周道再昌稱長樂之觴  
漢儀復見顧慙衰竭莫極形容今為老農夫難旅拜  
玉墀之下昔掌太史氏或能補彤管之遺

郊恩進封開國伯加食邑三百戶謝表

冠挂四春屏居舊里爵加一等適際初郊自慙短褐  
之微遂忝躬圭之寵臣某中賀伏念臣奮田孤士被  
遇先皇導充龍而行密依黃道草金雞之赦見獎  
玉音空懷老臣吠敵之忠阻侍英辟壇垓之祀雖云  
得謝猶許均釐茲蓋伏遇皇帝陛下德享天小  
心事帝誕敷祭澤不遺耆舊之倫申錫綸言俾列公

侯之次茲惟殊渥匪曰常彝臣桑蔭無多菜封逾厚  
士奉璋亞裸莫小助於類禋伯執爨前驅恨既愆於  
膂力

謝 皇太后表

國有大慶五疇熙成臣無微勞一階序進出綸北闕  
奉表東朝臣某中謝伏念臣疎遠諸生遭逢先帝席  
前宣室深慙賈誼之才蹕幸甘泉嘗奏揚雄之賦今  
作老農夫而屏處阻陪 新天子之親祠薄被海恩  
端由坤載茲蓋伏遇 皇太后殿下禁中定策物表  
怡神祀后稷以配天縟儀初講朝太任而問寢孝治

最隆臣雖既垂車猶叨賜昨罔功食乘虛忝朝子昌  
黎之封送老杞茅莫第漢臣長樂之頌

壽崇節賀 皇太后表

東朝華旦承顏極孝治之隆南面至尊上壽用家人  
之禮臣某中賀恭惟壽和皇太后殿下自嬪媵汭允  
媚周京望蒼梧雲既莫返重華之狩取虞淵日獨高  
安漢嗣之功有開聖出之祥適協佛生之旦懽騰萬  
寓喜洽三宮臣景薄西崑神馳北闕諭知列辟咸陪  
光順門之班虛忝從臣莫第長樂宮之頌

賀 皇帝表

祥開堯母生與佛同祉受文孫德由世積際天覆憐  
率土懽呼臣某中賀恭惟皇帝陛下視膳而問安承  
顏而順色謂親劬難報猶寸草答三春之暉願 聖  
壽無疆若蟠桃結千歲之實惟今之盛亘古所無自  
愧惰荒莫能摹寫臣雖棲衡必猶恋軒墀耆老而守  
元經已甘寂寞悅懌而秉彤管莫頌音徽

賀 皇后牋

正母儀於中間來嬪帝出之初執婦禮於東朝適協  
佛生之節照臨所暨舞蹈攸同臣某中賀恭惟皇后  
殿下德比姜任賢如馬鄧子無適庶鴈鳩之愛則均

俗有北南闕睢之化咸被臣雖老尚望雲而就日已  
盲難披霧以覩天安符金篋為法於翳膜恨無彤管  
能極於形容

乾會節賀 皇帝表 戊辰

六龍御天仰大明之繼照萬物覩聖慶今日之太平  
介福簡穰躋民仁壽臣某中賀恭惟皇帝陛下光明  
履位歷數在躬嗜好不萌用無逸之圖養壽緝熙有  
素以大學之書正心誕彌踵文母之期酸假錫湯孫  
之祐數綿箕翼喜洽宗祧臣遂笏年深戴盆天遠餘  
八十歲不在申公之多言薰一瓣香有封人之三祝

賀皇太后表

休符叶應有王者興盛德茂加以天下養於今創見  
自昔罕逢臣某中賀恭惟壽和皇太后殿下輔佐  
先皇贊成大計始於庭埋璧未占已享晚以易洗心  
退藏於密几戴履均爰君之念矧誕彌同浴佛之辰  
臣久挂衣冠未忘軒廐追蹤二雅儷美思齊之討稽  
首兩宮敬上封人之祝

賀 皇后踐

聖握乾符龍御天而利見德侔坤載馬行地以無疆  
和氣旁流頌聲交作臣某中賀恭惟皇后殿下覩天

作妹夢月入懷儷極體尊常同玉輦進賢志切姑酌  
金壘與國同休後天難老臣自憐大耋莫覩太平着  
李白之錦袍曩叨供奉薦子昂之奎壁今愧荒蕪  
臣某中賀生 皇太子表

賀皇帝表

帝祉施子積善所鍾震索得男非常之慶絲區欣忭  
磐石奠安臣某中賀恭惟皇帝陛下系本承堯服深  
纘高龍飛御極統方接於千齡燕翼貽謀仁已流於  
數世澤覃華夏和滿乾坤臣側聽熊占莫陪虎拜覩  
聖人作幸逢景運之開聞皇子生竊有先儒之喜

皇太后表

聖何加孝思仰悅於慈懷子又生孫兆非常之大慶  
懽騰高縣燕及廟祀臣某中賀恭惟壽和皇太后殿  
下復辟道尊齊家德威音螽斯託詠欲王室之宗強  
今熊夢協占本慈闈之家法隆平威觀希濶罕逢臣  
謝事有年酬恩無路耳聞宮振聿開中觀之祥目斷  
鈞天莫待瑤池之宴

皇后箴

樛木之章猶慤勤於壩御椒塗之義欲繁衍於本支  
皇嗣挺生熙朝創見臣某中賀恭惟皇后殿下手操

彤管躬奉玉璽熊夢吉祥雖當宁多男之兆螽斯盛  
大皆宮中逮下之仁闡範淑賢邦基鞏固臣垂車雖  
久慈旒未忘昔忝祠官嘗獲侍高謀之際今成替史  
安能絃關雉之詩

除龍學謝

皇帝表

明詔德音親逢真主隆名美職假寵老臣某中謝伏  
念臣曩者以小文章當大典冊陪羣英而並進受先  
帝之異知雄斷廟謨想實儀之謹重片文隻字通揚  
億之商量上所稿臣皆巾襲及乎鼎湖龍去空抱  
遺弓沙苑鶴歸幸逃飛失曾是老書生之衰頽忽蒙

新天子之訪求今細札十行何其詞旨溫厚昔萬機  
參決得之耳目見聞歸為版籍之民躡進淵圖之直  
茲蓋伏遇 皇帝陛下福威惟辟歷數在躬謂時無老  
成人典型寢少若古有耆壽俊圖任不遺雖迫瞽  
昏許班華近旁觀駭甚內省矍然臣易泯餘齡難酬  
洪造陪西清列願生死於蠹魚誦北山移免怨驚於  
猿鶴

謝 皇太后表

一壑釣游旌期踴颯兩朝謨訓禁秩莒莒昔逮事於  
先皇今歸恩於太母臣某中謝恭惟壽和皇太后殿

下赤城孕秀黃閣得芳法駕屬車方謹長樂膳安之  
問遺簪墜履尚憐穆陵詞翰之臣鬢雪皤然調永清  
甚臣偷生旦暮莫報乾坤掌寶笈之秘儲昏眸莫覩  
沾瑤池之餘瀝兀骨難仙

謝 皇后牋

黃卷青燈驅陰猶惜赤文綠字穢畫有光足為晚歲  
之榮悉出長秋之賜臣某中謝恭惟 皇后殿下一  
門世德四海母儀念彼勞臣爰有金壘之酌書之女  
史孰知彤管之徽已迫衰殘俾參嚴近臣三年自誓  
萬死莫酬龍馬呈祥垂老獲登於奎閣鶴猿生怨終

後村先生全集 卷一百五  
身不負於草堂

代作

擬謝宣召入院表代西山

君命不俟駕忽誤忝於招延王言出如綸俾進專於  
潤色光生閭巷榮動縉紳臣中謝竊觀列聖之用人  
惟待祠臣而加禮蓋於言語文字之外責以論思獻  
納之忠始雖忤旨而弗容終乃棄瑕而復用脩除翰  
苑在環塗出守之餘軾侍禁廷亦赤墀歸來之後豈  
非加歲月則其文老經憂患則其慮長遂居處嚴以  
備顧問如臣者才華不競愚癡自將掌 先皇內制

者六年每慙越俎迨 陛下初元之再命竟許循墻  
以馳驅州縣之頻加廢放山林之久見聞寢少藝業  
益荒結茅屋於雲邊已甘終老瞻玉堂於天上若隔  
前生敢圖白首之重來過辱清衷之妙簡處玷久虛  
之拜真成三入之榮茲蓋伏遇 陛下肆筆成書解  
絃調瑟謂王者之志見於詔不亦大哉而天下之動  
鼓乎辭豈容然已宜有文章之宿老俾專典冊於明  
時奚取臣愚迺承人乏 臣敢不推明上指播告多方  
小技未為尊良有慙於詞禁大節不可辱冀無負於  
聖朝

擬謝學士表

召還禁素矣補事功擢長奎坡遂專典冊寵光特異  
慙懼交深臣中謝臣猥以鯁生奮於下土少而掌制  
曾莫施潤色之工老矣談經冀有補緝熙之學人或  
譏其迂濶上獨察其樸忠迹似牧之方一麾於江海  
才非應氏乃三人於承明况九重新政化之初而兩  
制極文章之選鴻筆固資於搗拔艱言尤賴於論思  
歷欣名臣具存故實陸贄於詔書之外每上奏篇  
脩雖帖子之微不忘規諫臣何為者深竊慕之茲蓋  
伏遇陛下湯德又新堯文有渙震雷劃地蟄蟲

於真機早日中天堂熾燾施於未照顧容孤士

禁林臣

敢不圖報隆知勉殫薄技念官為學士

時政之可言倘號曰私人則匪臣之素志

擬謝衣帶鞍馬表

蕪辭奚取掌中禁之絲綸殊渥有加輟上方之服御

寵綏攸逮捧戴曷勝臣中謝臣藍縷寒蹤隄墮暮齒

向也錫之擧帶竟招三禡之尤及惟範我馳驅未有

一禽之獲敵圖朽質復玷恩光茲蓋伏遇 皇帝陛

下籓歸治功攬收威柄解衣以待士尤感於招徠持

策而臨材壹歸於駕馭不然衰悴曷致輕肥臣綿力



雖疲丹心犹壯願言補衮輔時政之闕遺未忍執鞭  
求此生之富貴

代西山丐祠表

臣頃因拙恙屢乞叢祠仰蒙至仁曲示殊眷今則假  
寧將滿湯燬未廖臣上則係累於明主之恩下則怵  
迫於輿人之議去留交戰進退兩難雖以采薪之憂  
力解繼粟之禮然而身方憊甚力弗任於造朝心固  
皦然迹有如於邀寵用慈皇惑愈甚沈綿亦恐政府  
位高書生命薄惟知足知止者天之道欲生欲安者  
入之情與其貪惡以挺盈滿之災孰若勇決而希退

閑之福非復具文而有請仰希造命之必從欲望  
聖慈察臣不欺憫臣幾殆姑停新渥速畀外祠俾得  
暫還山林一意醫藥大恩未報固難袖手以卽安宿  
疾或平所願捐軀而未晚

代西山辭資政殿學士京師侍讀表

疲瘁弗任乞投閑於田里春留未替俾養疾於京師  
待遇過優兢危愈甚伏念臣才能素薄分量易盈累載  
退藏頗健頑之自若一朝進擢乃衰病之交攻無所  
歸尤可以言命惟力求於閑稟庶少假於餘齡至如  
祕殿經筵以處舊臣宿老臣未嘗就職於忝竊以非

宜既已乞身又徘徊而不去非獨有徼君之罪抑將  
貽固位之譏念平時講貫之謂何乃晚節既昏而至  
此輒殫血悃仰覽 皇明欲望 聖慈俯矜危蹟抑  
臣之寵以消弭其灾屯容臣之歸以保全其出處收  
還殊渥改畀外祠倘還山果遂於再生則報國豈無於  
它日

代西山上遣表

疾不可為甫力辭於大任死之將至猶未泯於孤忠  
願假須臾少陳悃愾臣中謝伏念臣迂疎一介際遇  
兩朝固無赴功趨事之才施諸當世獨有憂國憂君

之念對越上蒼寧皇調瑟之初陛下飛龍之始俱承  
睿獎屢進警言雖聖主龍寬納以如天之量然柄臣  
積怒墮於偃月之機柄運故山轉徙外服不圖華髮  
再覲清光從容便殿之對揚密勿細禮之顧問賜之  
親禮等 泰陵遇軾之恩讀所著書視神廟待光之  
禮臣惟國士之知未易報而天下之事尚可為每殫  
千慮以開陳冀有一毫之補益豈謂病乘衰至命與  
時違昨畢文衡晉參政 紹璫及門而臣不能迎揖  
車馬陳庭而臣不任馳驅累上封章力乞骸骨玉音  
記憶至諏訪於近臣奎畫眷留若寵褒於日弼中嘗

小愈俄復勿支丹附之力已窮膏肓之證交迫昔楚  
之囊尹將終有城郢之言唐則房喬垂歿進征遼之  
諫臣雖憊甚心竊慕之欲望陛下以剛健濟文明  
以知行充學問勿用道兵之一字休養民生常思宥座  
之兩箴隄防物欲篤信君子以送杜小人復進之漸  
堅持正論而使無邪說得乘其間求文武之奇材講  
兵材之實政至若沃心之要旨備於衍義之一編倘  
覽觀不廢於燕閒則理亂昭如於龜鑑上以副祖宗  
傳序之意下以慰生靈望治之心臣餘息甚微丹衷  
不昧闔棺事定豈惟蓋之敢求戀闕心存帳軒墀之

永隔

擬謝吏侍兼給事中表為洪伏作

貳卿之職尤重於天官兩省之班特高於夕拜榮甚  
九重之擢惕然器數之兼臣中謝伏念臣蚤忤當權  
晚逢親政每謂永嘉之末無復微言不圖正觀之初  
聞直諫旋繇烏府躡拜鳳池雖弗居擊搏之官猶  
舉封還之職然而精誠未能感悟議論無所建明  
車轉轉馬蕭蕭苦口莫回於輕舉印纍纍綬若若病  
軀愧於久留屢闔戶以控章亦扣墀而還笏未拜  
玉音之愈久反蒙御筆之超除銓部文書犹規程之

後村先生大全集  
可守銀臺封駁豈風力之克堪而况翰苑辭林經筵  
史觀名臣森列柰何越尊俎而代庖高位疾顛實恐  
因負乘而致寇上無以稱答蕩蕩乾坤之造下無以  
慰悠悠風塵之談祇服寵榮俗深憂畏茲蓋伏遇  
皇帝陛下舜聰旁達堯哲周知盡壞一新更膠柱不  
之化福威自出收太阿倒授之權察臣無黨援之  
冀臣有論思之助臣敢不深惟簡在益自勉旃不  
丹心常若端平之初節勿污青史庶為元祐之全人

代謝兵部尚書表為余子壽作

貳卿職曠弗以績聞八座班高乃容次補誤渥至加

於疊組字辭莫許於循墻仰戴雲天俯臨淵谷臣中  
謝伏以周嚴九伐以振國威晉命六官必先民譽矧  
在修政攘夷之日尤難制軍詰禁之林如臣至愚於  
世寡偶早更憂患惟義命之是安晚竊顯融非心思  
之所及屬當宁更新於大化舉在廷絕企於末光顧  
當斯時服在邇列韓愈奏從官之收莫望昔人王吉  
云俗吏所為殆譏臣輩敢圖天獎起拜夏卿方疆場之閒  
未寧而甲兵之問日至上無壽策可以獻納下無  
精力可以簡稽又况掾史事叢瑤編體大材能素薄  
僅堪智効於一官委任特殊遽使身兼於數氣龍光

所逮查員曷勝茲蓋伏遇 陛下親攬威權旁求俊  
又謂臣雖無高論然精達於時宜察臣不為清談或  
可施於實用遂令迂拙亦玷高華臣敢不精白承休  
靖共好直陪輔朝廷之遺忘所願竭忠奉行臺閣之  
文書豈為稱職

代曾知院上遺表

建壽請行誓弗移於初志拖紳垂絕猶欲獻於遺忠  
輒效諄諫冒干聰睿伏念 臣蚤繇孤學被遇先皇  
多士以策名越羣公而輔政當宁察其平實昭  
懷權門甚其異同甘從閑退專於一壺十有六暮

逢 聖王之改絃俾護陪都之留鑰單車過關累疏  
議邊寔敢奚知將止穀陵之役蔡謨過計不勝江表  
之憂誤簡宸衷載陪國論 陛下欲長駕遠馭而臣  
不能輔贊 陛下欲更化善治而臣無所建明比者  
裔夷攬擾吾疆場每值羽書之交至仰瞻玉色之不  
怡茲主憂臣辱之時既叨授鉞惟朝聞夕引之誼敢  
後著鞭屬有司之調度未齊且在廷之議論屢變勇  
往有輕揚之悔徐行慎逗撓之誅旬月以來寢食俱  
廢始終一意未改風雲之壯懷憂菀萬端忽罹霜露  
之末疾臣年六十不為天官二品不為卑今將溘然

第 85433 号

平成 3.11.22

聖和學  
園短大  
圖書館

928

工

28

無可恨者獨君父之恩未報國家之事方艱敵陳易  
簧之詞冀動凝旒之聽欲望 皇帝陛下修德以回  
天意施惠以固人心親君子而勿搖於小人合衆謀  
而又決於獨斷下輪臺奉天之詔興起觀瞻拔泚水  
赤壁之才掃平氛祲使亭障無一塵之警則宗社有  
泰山之安臣景迫掩噬心存軒廐鞠躬盡力之志莫  
効馳驅將死深悲之言或蒙采擇

後村先生大全集卷之一百十五

號	冊	卷	第
SSM	8	第	冊
第	冊	第	冊
第	冊	第	冊

後村先生大全卷之二十五

朱

